

Werk

Titel: Commentationes Societatis Regiae Scientiarum Gotti

Verlag: Dieterich

Jahr: 1828

Kollektion: Wissenschaftsgeschichte

Digitalisiert: Niedersächsische Staats- und Universitätsbibliothek Göttingen

Werk Id: PPN35283028X_0006_2NS

PURL: http://resolver.sub.uni-goettingen.de/purl?PPN35283028X_0006_2NS

LOG Id: LOG_0053

LOG Titel: De Byzantinae historiae ultimis scriptoribus ex historia osmanica elucidandis et corrigendis

LOG Typ: article

Übergeordnetes Werk

Werk Id: PPN35283028X

PURL: <http://resolver.sub.uni-goettingen.de/purl?PPN35283028X>

Terms and Conditions

The Goettingen State and University Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Goettingen State- and University Library.

Each copy of any part of this document must contain there Terms and Conditions. With the usage of the library's online system to access or download a digitized document you accept the Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Goettingen State- and University Library.

For reproduction requests and permissions, please contact us. If citing materials, please give proper attribution of the source.

Contact

Niedersächsische Staats- und Universitätsbibliothek Göttingen
Georg-August-Universität Göttingen
Platz der Göttinger Sieben 1
37073 Göttingen
Germany
Email: gdz@sub.uni-goettingen.de

JOSÉPHI DE HAMMER
COMMENTATIO
DE BYZANTINAE HISTORIAE
ULTIMIS Scriptoribus ex
HISTORIA OSMANICA ELUCIDANDIS
ET CORRIGENDIS.

EXHIBITA IN CONSESSU M. APRILIS MDCCXXV.

Multi sunt quidem scriptorum Byzantinorum antiquorum loci, qui ex historicis arabicis corrigi et elucidari possunt, sed plurimi in ultimis imperii orientalis scriptoribus ad quos elucidandos et corrigendos corpus Historicorum Osmanicorum vberrimam praebet materiam.

Ex his quatuor in primis nominandi, qui origini stirpis Osmanicae contemporanei historiam eiusdem aut ex traditionibus, aut qua testes rerum partim ab ipsis gestarum, conscripsere, quales sunt: **PACHYMERES**, **DUCAS**, **THRAMES** et **CHALCONDYLAS**, nec non **NICEPHORUS GREGÓRAS**, **CANTACUZENUS**, **ANAGNOSTA** de excidio Thessalonice, et **LEONARDUS CHIENSIS** de expugnatione Constantinopolis.

Fontes hi sunt pretiosissimi multorum euentuum de quibus historici osmanici silent, sed plurima quae ex traditione osmanica accepere, penitus corruperunt, ita, ut non sine studio et per accuratam tantummodo cum scriptoribus osmanicis comparationem intelligi possint. Ut de sphalmatis scribarum et editorum sileam,

quibus quamplurimae nominum et rerum alterationes attribuendae sunt, genuinae tamen Historiae Byzantinae scriptorum hallucinationes tam in nominibus quam in rebus positae, amplissimam suspetunt criticam messem. Sensus autem aliorum ab iisdem recte scriptorum et traditorum solummodo ex comparatione historiographorum Osmanicorum recte enucleari et intelligi potest. De quibus aliqua ex praefatis quatuor scriptoribus et praesertim ex Chalcondyla exempla depromere, primo de *nominibus* et deinde *rebus* disserere liceat.

Vulgo omnium et cultarum et barbararum nationum hoc aequo vitium inhaeret, ut nomina extranea in formam suae linguae corruptat, ac, si facile fieri potest, ita alteret, ut sonus nominis extranei, alicui in lingua sua propria sensui accommodetur. Testimonia huius veritatis in tot tantisque nominibus locorum obuiam sunt a).

Quid mirum quod in ore Byzantinorum de quorum odio erga barbara quamquam Christianorum populorum nomina Anna Comnena luculentum nobis testimonium conseruavit, tot tantisque nominum arabicorum, turcicorumque corruptelas deprehendamus, quorum veram scribendi et pronuntiandi rationem in orientalibus eiusdem historiae scriptoribus indagare debemus.

Quid mirum igitur quod Pachymeres, vetustior aliis tribus scriptoribus, et magis alienus quam illi ab omni cum Infidelibus

a) Ut aliqua solummodo citem:

Turcae locum *τον αγιου Νικολαον* in AINECOL, i. e. lacum specularem; insulam Semos in SUSAM, i. e. Sesami insulam; Ciliciam in ITSCHIL i. e. regionem interiorem; Caucasum in CASTACHIR, i. e. montem anserinum; Petreion in BODRUN i. e. cisternam seu scrobem; fluuim Omiram in MURADSSU i. e. fluuim voluntatis, aut *τον Murad*; urbem *Aζορθη* in ACOVA i. e. altam vallem; Hadriano-polin in BOLI i. e. spatiosam etc. transformarunt.

communicatione, etiam omnium corruptissimus *Tataros* in Tochares, et *Turcas* continuo in Persas transformet. Mirandum potius quod **DUCAS**, **CHALCONDYLAS** et **PHRANZE**, omnes tres repetitis vicibus oratores ad Sultanum Turcarum, omnes tres litteris imbuti et doctrinae Mahomedanicae non penitus iguari, nomina eorum genuina non melius expresserint, nisi forsitan tota corruptio non iis, sed solummodo scribis attribuenda est.

In Pachymere *ταγγολιπτιξ* pro Ertogrule; *Απαγιας* (VII. 22.) pro Abaka Chan; *Ρουνγατινης* (III. 24. 25.) pro Rukned-din; *Ιαφατινης* pro Ghaiasseddin; *Χαρμπαντας* (VII. 28.) pro Chodabende; *Καριν* (v. c. 16. p. 281.) pro Kaan siue Chan, fere omnes iam cogniti sunt; minus **Ηερταρχαι**, quos Seldjukidrum, imperium inter se diuidentes dein osmanica dynastia deglutiuit. Nomina illorum Schlozerus in *horis subseciuis historicis*, ex **PACHYMERE**, **NICEPHORO GREGORA**, **CHALCONDyla**, **DUCA** et **PHRANZE** quidem collegit, sed propria eorumdem nomina, quae hodie in prouinciarum Asiae minoris nominibus supersunt non explicuit, quae si cognouisset minus de autoritate historica originum osmanicarum dubitasset.

Sunt illi: **Ατιναι** hodie Sandjak *Aidin*; **Μανταχιοι** hodie S. Mentesche; **Σαρχανη** hodie S. Saruchan; **Καρασης** hodie S. Karassi; **Καρμανιον** (Pachym. V. c. 25. p. 30.) hodie Kermian; **Αμονγιος** aut **Αμονγεπεκις** (Cant. I. 288.) non Omer sed Vmur *βασιλι*; **Αλισυριας** (Pach. V. c. 25.) Alischir; **Αλαιδες** Alaeddin; **Χετηρ**, Chizr. (Cantacuz. II. c. 29. p. 229.) **Ατμαν**, Osman; sic **Πηγαι** (Pachym. V. p. 289.) hodie Biga, b).

b) Apud Chalcondylan II. p. 34. Edit. Lut., *Αιδηνην* i. e. Aidin; *Σαρχανην* i. e. Saruchan; *Μενδεσιαν* i. e. Mentesche; *Τεκην* i. e. Tekke et *Μετινην*; dein *Αλονσουριον* i. e. Alischur, et *Τουργουντεω* i. e. Turghad.

Quis Pachymeris *Ἄταργης* sit, qui castellum *Τρικονίαν* in vicinia Nicaceae expugnauit, penitus lateret, nisi scriptores historiae osmanicae, (EDRIS, NESCHIRI, SEADEDDIN.) expugnationem arcis KODSCHA HISSAR ad Niceam per ANTIMUR, Osmani nepotem referrent; ex iisdem discimus locum *Βαρφειον* ad quem MOUZALO primam ab Osmanio cladem expertus, hodie KUJUN HISSARI dici; sic in *κατοικεια* (Pachym. p. 417. 288.) hodie KETE ad ripam Niluferi ex Olympo descendensis recognoscitur.

In duorum locorum *Αγγελοκωμα* et *Μελογγεια* de quibus apud Pachymerem in originibus historiae osmanicae repetita mentio incidit, situ eruendo frustra desudandum foret, nisi eadem facta Osmanici historici referrent de AINEGÖL et KARADJA HISSAK; cuius ultimum nomen significationem *μελας* in KARA i. e. niger conseruanit.

Lumen igitur, quod Byzantini in geographiam medii aeu*i* affundunt, vnicē ex eorum cum Historiographis et Geographis orientalibus comparatione obtineri potest. Quod monstrum illud Σαβουλεν δε μαναλεον (Theophylacti, l. I. c. 11. p. 46.) aut Σαβουλεν τι καναλιν (l. VI. c. 5. p. 149.) sit, quis deuinaret, sine geographiae osmanicae του HADJI KALFA cum illa descriptione Haemi comparatione, ex qua constat, illud hodie TSCHALI KAWAK dici. Cum iam deuius Haemi rupes pede barbaro lustrem, et aliam antiquissimam eius celebratam faucem in osmanicis Historicis et Geographis agnoscere liceat. Est nimirum ille ab Ammiano Marcellino celebratus angiportus SUCCI i. e. Porta Traiani, quem hodie incolae SSU DERBEND i. e. angiportum aquae vocant conservata antiqui nominis dimidia parte SU, sed immutata eiusdem significacione in turcicum SSU i. e. aqua.

Proxime huic angiportui ab Oriente fauces apud Ducam sub nomine Ιχλατη (XXXII. p. 122.) occurrunt, adiecta ratione denominationis, quod aurum significet; veritatem huius commenti vox slauica

slauica Slatiza abunde demonstrat, et angiportus ille et hodie Issladi apud Turcas audit c).

Sed ut de geographicis ad historica, de locorum nominibus ad nomina virorum redeamus, inuenimus in Chalcondyla, Duca et Phranze filium Muradis I. a patre enecatum, quem primus Σιασος, secundus Σαβουτργιος (C. XII. p. 22.) tertius Μωσης Τζελεπης i. e. MUSSA TSCHELEBI (c. 12.) nominat. Sed non solummodo in nomine sed etiam de fato eiusdem discordant hi tres scriptores cum Phranze illum obtruncatum d) Ducas excoecatum fuisse referat. (C. XII. p. 22.).

Hanc litem scriptores Osmanici dirimunt. Nam narrant supplicium του ΣΑΒΕΔΣΧΙΟΥ سايدشی filii Muradis I. (in tabulis genealogicis Hadji Calfae ad annum 787⁷⁸⁵ relatum) ita ut clarum sit, Phranzen hunc ΣΑΒΕΔΣΧΙΟΥ cum filio Bajazedis I., Mussa Tschelebi, Ducam vero cum GUNDUS fratre Osmanis confundere, cum hunc, et non Sawedschium, rebellem declarat e).

Ducas (p. 7.) in orthographia nominum orientalium ex omnibus Byzantinis correctissimus Principes prouinciarum AIDIN, SARUCHAN, et KARASSI, Ιεσαι, Χηδης et Ελιες nominat, quos penes

- c) Haec si duo alias maxime aestumandi historiae vngaricae scriptores ENGEL nimirum et KATONA eruere potuissent, ille in descriptione *expeditionis longae Hunyadis* non tantum geographice hallucinatus fuisse, hic non BONFINIO aut potius fonti eiusdem CALLIMACHO *Experienti* ignorantiam geographicam obiecisset, cum vtriusque descriptio geographicā regionis cum Duca et historicis Osmanicis optime consentiat. Engel (in hist. Serniae) proelia et loca multiplicat, primum proelium ad SATNIZAM, secundum ad Haemum ponens, cum SATNIZA ex Haemo scaturiat, quo Hunyades primum transgressis vrribus NISSA et SOPHIA et non, vt Engel narrat, traecto Danubio ante Nissam venit.

- d) Και ὁ Αμυρας ενθνς τον ὄνον αυτον απεκεφαλισεν. Phr. 12.
e) Εξορυτει τους οφθαλμους του ὄνον αυτον Κουντονσον.

historicos ottomanicos sine labore in ISSA, CHIDIR, et ELIAS recognoscere licet. Alius IESUS seu Issa est filius Bajazedis qui iuxta Ducam f) (XVIII. p. 13. ult. l.) a Τεμηρτες i. e. Beglerbegi Timurtasch nomine Mohammedis I. caesus conficitur, apud Chalcondylan a fratre Μουσουλμανω i. e. Suleimane perimitur (l. IV. initio) cui eliam Phranzes consentit g). Omnes errauere, cum Annales Osmanici, et nominatim Hadji Calfa in tabulis genealogicis, interitum τον Issa nec per Suleimanem nec per Mohammedem, sed post proelium cum fratre Mussa commissum ad annum 1452 referant.

Rectius duos eventus τον Τζινετι i. e. Dschüneid filii Καρασουπασσης i. e. τον KARASUBASCHI refert (XVIII. p. 43.).

Famosissimum Turcarum ducem EWRENOS prius *Honorium* vocatum fuisse (vt Leunclavius et alii volunt) non puto, cum et Chalcondylas ipse illum Βρενεζης vocet. Nomina filiorum eiusdem (IV. p. 97.) sequentia memorat: Αγαθος quod AGASSI esse videatur, omisso nomine proprio; Βαράμος i. e. BEHRAM; Αλιης i. e. Ali; Βεικης i. e. Bey iterum vt superius ΑΓΑ nomen dignitatis pro nomine proprio, et Ιησους i. e. Issa h).

f) Και τον Ιησονν ζωγρησαι διεκρίσατο βασιλευσαντα ἐτη τεσσαρα (Ch. IV. p. 91.).

g) 'Ο δε (Μουσουλμανος Suleiman) ἐναπεπνιξεν αυτον σταθεις ἐν τη ἀρχῃ μηνας ολιγονς (I. 27.).

h) In BEHRAM et BEY Chalcondylas το ω per β simplicius sed minus recte exprimit (cum β=ω sonet in ore Graecorum), quam Phranze, qui Beglerbegum Bajezidis Μπεγλερπει Μπαγιαζητον scribit (I. 39. ed. Alteri p. 28.). Ducas (cum Graeci praeter aspirationem litteram nullam pro τῳ H habeant) pro HADSCHI AIWAT Χατζεμπατ scribit (XXV. p. 92.) sed perperam. Germani, cum lingua germanica nec τῳ Ha nec τῳ Ch cōreat, primae secundam substituunt, ac loco AHMED, ACHMET scribunt; si hoc recte, etiam Mochammed scribere deberent, quia Graeci Μαχομετι et Ρασούλ pro Ressul.

In obsidione Constantinopolitana a Canano descripta Βεζαρ^ο occurrit cum cognomine Μηρσατης; quem iterum ex historicis Osmanicis cum vero suo nomine et cognomine BUCHARI cognomine EMIR SULTAN erimus, SCHEICHUM celeberrimum cuius sepulcrum et hodie Prusae magno in cultu.

Nomen IENTZERI, qui in clade Varnensi caput Regis Hungariae abscidit, a Chalcondyla Θεργίης, a Phranze Χαμουργα referunt, quorum illud in turcico TIRUS, hoc ex HAMSA mutilatum esse videtur; sed neutrum verum nomen, quod scriptores orientales (Sadeddin in trad. Brat. II. 96.) KODSCHA CHISK referunt.

Sic etiam illa inter Ducan, Chalcondylan, et Phranzen discrepantia de nomine primi Mohamedis II. Veziri, quem primus Χαλιλ, secundus Χατιτ, tertius Αλιμπασιας vocat, per Historicos ottomanicos in favorem primi deciditur, ita ut plane appareat, Χατιτ ex errore scribae, qui το λ in τ transformauit, ortum, Phranzen autem in toto nomine hallucinatum fuisse.

Phranzes loco Σαγανοσπασια, quem Ducas recte scribit Σογαμπασια substituit, nam ille castelli ad Bosporum fabricator et tormenti immensi regii conflatior rite apud Turcas SAGANOS سگانوس audit, ita ut terminatio os non pro nominatio graeco habenda sit, ut a Phranze habita est.

Si nominum proprietatum orthographia ad rectum historiae studium plurimum confert, non minus in nominibus digitatum et officiorum historicorum laborandum, quae hucusque a nemine enucleata, per rudem Byzantinorum aut scribarum sphalmographiam obscurata delituere, e quibus hic aliqua perlustrare liceat.

Iam supra diximus Chalcondylam nomen principis SAWEDSCHI filii Móradi I. in Σιαος mutasse, illud cum nomine officii i. e. TSCHAUSCHII confundens, quod ab antiquissimo tempore non solum in aula regum Asiaticorum, sed ad imitationem illorum etiam in aula Byzantina vigebat. Μεγας Τζαος (apud Pachymerem 1. VII.

c. i. l. XII. c. 30. l. XIII. c. 22.) officium aulae byzantinae erat, ut *Megas Δραγματος* (apud Codin.) cuius titulum interpretes aulae Ottomanicae in subscriptionibus epistolarum Sultanicarum ab illis translatarum in *Summus Interpres* commutarunt. Tschauschi ab antiquissimo imperii Ottomanici tempore officio nuntiorum et ducum viae fungebantur, quare etiam nonnunquam Kulaus i. e. *duces vias* nuncupati, ut apud Cantacuzenum (Il. c. 8) Κολαουγῆς Σαλλιγγάρι, qui eodem loco heroëm turcicum AKANDSCHE KODSCHA in *Kataiyalos Patatorugens* transformat i).

Depraeatores et vastatores (ab Italib*guastatori* vocati) Osmanicorum exercituum in omnibus historiis Ottomanicis, ab Italib*vt PAOLO GIOVIO, CAMPBINI, MENAVINO*, conscriptis, sub nomine AKANDSCHI k) celeberrimi sunt. Originem vocis Ducas recte explicat, cum illud ab επιδρομη, quae turcice AKIN dicitur, deriuari doceat l).

- i) Tschauschii qua introductores ad solium regium et nomenclatores eodem officio funguntur, quo SACAS in Cyropaedia; et hodie oratores ad Portam Ottomanicam per Tschausch - BASCHI (*Megas Tschau*) introducuntur.
- k) Il resto de' caualli turchi sono auenturieri senza soldo chiamato ALCANZI, quali sono di natura gran ladroni e stradioti crudeli. (Paolo Giouio).
- l) Προς επιδρομην δὲ καλεῖται πατα των αυτων γλοτταν Λικην. (Ducas. XXIII. p. 75.) Ducas recte etiam MUSULMANOS (fideles) et KAUREDES (infideles) distinguit: ιως οὐκ εστι καλον Μουσουλμανων παιδας τρεφεθαι παιδα καβουριδων. (XXXII. p. 74.) Recte clamorem fanaticorum τετε Σουλταν έργις (XXI. p. 63.), interpretatur, cum turcice, DEDE SULTAN IRISCHI سلطان ایرسی i. e. DEDE SULTAN VENI, significet; et iterum (XXVI. p. 96.) طورک طورک قاجماڭ TURUN, τουρουν κατζμαν, Sistite non fugite, cum TURUN, TURUN KATSCHMAN hoc reapse significet et (XXXV. p. 141.) چاپۇنە ئۆرتىغى (lege KIAUR SOLDASCHI) συντροφος των απισων.

Praeter *Zixides* i. e. Schenchos sequentia militiarum genera
a Chalcondyla enumerantur:

Ἄξιπτες i. e. Asabi, (Caelebes).

Σπαχίδες i. e. Spahi, (equites).

Αλοφατζίδες i. e. Vlufedschi (slipendiarii).

Συλικταρίδες i. e. Silihdarii (armigeri).

Σαραχογίδες i. e. Silaschor (armamentarii).

Καριπίδες i. e. Gharib (extranei).

Σημειοφόροι i. e. Sandjaki (vexilliferi).

Αγιάδες i. e. Akkiam (tentorum explicatores).

(Chalc. l. V. et l. VII.). Milites portae Chalcondylas recte *επί της Θύρας* nominat, et nouos delectus *νεηλυνδας*, sub quibus autem non iam LENITSCHERI, sed eorum candidati i. e. *ADSCHEM OGLAN* intelligendi sunt *m*).

Dimissis nominibus res ipsas perlustremus et aliqua de singulari in Byzantinis confusione rerum, quae ex defectuosa orien-

m) Hoc Adschem آشیانی non cum nomine Persarum آشیانی confundendum.

Hoc cum Graecorum ACHAEMENE, illud cum voce *αγημα* consentit. Militiarum praefatarum genera Vid. in: *Osmanischen Reichs Staatsverfassung u. Staatsverwaltung* aut in MOURADJA D'OHSSON tomo III fol. His ex scriptoribus orientalibus explicandis nominibus alienis Chalcondylae ex Europaeis explicandum nomen hic adiungere licet, in quo explicando multi, praesertim autem KATONA, desudauit. In Hunyadis proelio (l. VII. p. 178.) και Ιωαννης μεν δο Χωνιανης εχων την φαξην τους Βιταξινας καλουμενους. Katona hic IAZYGES et PHILISTAEOS somniat cum BITAXAS Amnianii Marcellini obuios fuisse; sed nec ex eo, sed ex denominazione italo-germanica rei bellicae medii aeui explicationem huius monistri repetundam esse existimo, την φαξην la faction esse puto, vnde et hodie le factionnaire, et Bitaxinas nil aliud quam: Büchsen fuisse credo. Bitaxae autem Marcellini sunt BITIKDJII Scherifzedini i. e. Secretarii imperiales. (Histoire de Timurbec V. 51. t. IV. p. 27.).

talium scriptorum et linguarum cognitione originem trahit, exempla afferamus.

Mohamedes I. in omnibus historicis Europaeis antiquis. CALEPINUS aut KYRCELEBI audit, in aliis, vt in servicis n), rectius KREISCHSCHA, KREISCHTELB, TSMURSLA profertur. CALEPINUM ex turcico Tschillebi, i. e. ephebo, corruptum esse constat, sed quid illud Kyr aut KIRISCHDSCHI, penitus adhuc Europaeos historiae scriptores fugiti.

Cantemirus linguarum orientalium, geographiae asiaticae, historiaeque ottomanicae ignorantissimus, vt alia sic hoc KYRCELEBI quasi repetitam vocis *domini* ex *Kvgios* et Tschelebi conflatam repetitionem suo modo explicat; sed quid reapse sit, et quomodo originale hoc cognomen iam a Byzantinis male intellectum fuerit, hic demonstrare haud absonum erit.

Cognomen turoice KÜRISCHDSCHI sonat, i. e. luctatorem, et AALT praestantissimus historiae ottomanicae scriptor, quem Cantemirus bene meritis laudibus effert o), de ratione huius cognominis rationem reddit, cum illud iuueni principi ob excellentiam in arte luctandi inditum fuisse doceat. Per corruptam aliquam pronuntiationem haec vox in ipso Oriente nonnunquam KIRISCHDSCHI sonat, quod aliam significationem nimirum *chordarii* p[ro]ae se fert. Sic hanc vocem etiam in gallica Schereffeddini historiae Timuris translatione pronunciatam inuenimus p), quod et ideo hic adducere iuuat, quia probat, hoc cognomen iam iuueni principi, viuente patre Bajezide, proprium et non, vt scriptor turcicus quidam vult, post

n) Engel's Geschichte Seruiens. p. 563.

o) Cantemir. (Paris 1763. I. p. 117. 119. 120.)

p) Histoire de Timurbec par Petit de la Croix l. V. Chap. 46. tom. 4. pag. 10.; l. V. Chap. 15. tom. 3. p. 265. KIRICHTCHI, le plus sage de ses cinque fils nommé Mehemed Chelebi, et surnommé KIRICHTCHI.

mortem frātris, quem chorda arcus iugulari iusserit, a modo necis inditum fuisse.

CHALCONDYLAS, qui vocem Kūrischdschi, vt chordae tentorem intellexerat, ex illa fabulam conligit de chordario quodam (Χορδοπνιου τυρος) aut de Mohammedo ipso chordario, Μεχμέτης μεν δ Χορδίνης (Chalc. edit. Lut. l. IV. p. 96.) et Phranzes chordarium in arcuum fabricatoreni transmutat, μετα τυρος τεχνιτης τοξοποιου (Phranz. l. I. c. 29. ed. Alb. p. 20.). Ecce ex luctatore (Kūrischdschi) cordarium (Kūrischdschi), ex cordario arcuum fabricatorem ortum; Galli ottomanicae historiae scriptores Χορδίνην alio modo interpretantes, illum joueur de luth fuisse intellexere, quae singularis confusio ex nullo alio fonte quam defectuosa vocis Kūrischdschi pronuntiatione et interpretatione defluxit, quae ex luctatore, cordarium, arcitenentem et musicum fecit.

Aliud huius farinae exemplum in libro III. Chalcondylae occurrit, vbi in graeco latinoque sermone legimus „maritus si „parum dextere erga vxorem fuerit affectus ei edicit se a tribus „splenibus ab ipsa auellendum“ q). Quis haec intelligit errorem-

q) Αν τε αχθεσθειη τη γυναικι σου δ ανήρ, ἐπειπη του λοιπου ἀπο τρων σπληγων αποχεθαι αντηγ. Chalc. l. III. edit. Lut. p. 65.

Simile huic aerigma ex corrupto textu Chalcondylae in sequenti eiusdem translationis loco in lucem prodiit; legimus (edit. lut. p. 122. lib. V.) tria aliquando regi tentoria poni ex argilla rubea et inaurata: - ὅτε δε και τρεις ἰδονται αυτω τη βασιλει απο πηλου ερυθρου χρυσοπαστοι. Quis vnuquam tentoria ex argilla vidit, quae sane musquam exstitere, sed ea falsa πηλου pro πηλου, i. e. paumi ex pilis coactilibus (Filz), lectione originem duxere. In alio loco (l. VIII. edit. Lut. p. 204.) reapse Στεγασματα πιλοις λευκοις τε και ερυθροις inueniuntur, quae translator nihilominus in pluteos ex luto rubro et albo conuerterit.

Huic Conradi Clauiseri Tigurini interpretis Chalcondylae sphalmati aliud adiungamus, cuius fontem nec clarissimi Gibboni critica detexit; nam etiamsi latitudinem pontis 50 vlnarum dubitauerit, et „rather

que Chalcondylae ex superficiali linguae arabicae cognitione ortum diuinare potest, si nescit vocem arabicam THALAR i. e. diuortium, etiam splen significare, formulamque repudii irrevocabilis in ter repetita voce talaktu anke i. e. repudiani te consistere.

Haec earptim **ex** Byzantinis citata exempla etiamsi iam abunde demonstrent quantum ad illos elucidandos et corrigendos linguae et historiae orientalis adiumenta suppeditent, ad conclusio-
nem huius commentationis vnum tamen Chaleondylae, qui ex omnibus Byzantinis rerum orientalium alias peritissimus, locum in integro adiiciam ac necessariis, quae eiusdem errores illustrant, commentis illustrabo. Est hic finis tertii libri Chalcondylae de successoribus Timuri, qui locus minoribus erroribus nominum quam rerum scatet.

„Haud tamen multo post excedente e viuis Sachracho (Schah- „ruch) PAJINGURES Timuris filius natu minimus regno potitus est.“ PAJANGURES i. e. BAJSANKOR, non filius sed nepos Timuri ex Scharcho, numquam regno potitus est, sed solummodo in Kandahar gubernauit r).

„Vnde ei non admodum bene cum fratribus conuenit verum „inimicitiae intra ipsos exarserunt. Ulies enim Caddusiaeorum

a mole“ adiecerit „fifty cubits in breadth“ sphalma copistae *tau* Phranzis facile ex comparatione cum Duca (XXXVIII. in fine) eruere potuisse, qui, de eodem ponte loquens, illum eae latitudinis fuisse dicit, quod quinque equites simul transire possent; ex quo 50 vlnas in 5 commutari debere constat. Aliud historiae Gibbonis sphalma, quod tormentarium Hungarum Orbanem in Danum com- mutat, sane hypothetae tribendum, qui *a Dace in a Dane* transformauit. , *Oḡbaros Æus το γενος Chal.* apud Ducam (XXXV.) *το γενος Ουγγρος*.

r) Vox BAJSANKOR eadem esse videtur, quae in Iustino (II. 4.) occurrit, nomen principis scythici: mittit cum ingenti equitatu filium PANASAGORUM in auxilium.

„regionem et Hyrcantam retinens, inimicitiis suscipiens aduersus fratrem **ABDULATIFHEM** cum eo bellum gerebat. **PAJANGURES** adveniens regionem ei adlinebat et ipsum captum in carcerem misit.”

ULLES (*Oὐλῆνς*) i. e. Ulugbeg, reapse frater Baisankori Samarchandae dominus, non a fratre Baisankor sed a filio **ABDOLLATIF** (*Αβδολατρούφης*) throno et vita exatus.

„Mortuo dein Bajangure ad regni moderamen euasit Tzokies.”

Mortuo BAISANKORO duo quidem eius filii BABER et MAHMUD thronum ascenderunt, sed neuter duorum TSCHOKIORUM, quorum unus frater BAISANKORI, alter filius **ABDOLLATIFI**.

„Cum hoc affinitatem iungens PAEMPURES unus de numero nouem regum et conuersus regnum occupauit.”

Παιμπονογης est BABER, non fundator imperii Timuridarum in India, sed filius Baisankori, dominus in Transoxana.

„Oppressis enim et occupatis Samarchandae rebus, contractis etiam Indorum auxiliis bello petiit Tzokium Bajanguris filium.”

Baisankoro, ut supra diximus, nullus huius nominis filius fuit.

„TZOKIES adducens Scythas Assyriorumque regioni imperaus contra fratrem **PAJANGUREM** bellum mouit.”

Hic TSCHOKI, qui superius filius Baisankori dicitur, frater eiusdem euadit.

„In hoc bello victor exstitit et Samarchandam in ditionem accepit. Nec multo post in bello societatem exhibito uno de numero nouem regum, et regia sede in Tabreze (Tabris), Assyriorum vrbe opulenta, constituta bello lacescebat Leucariae dum; etiam Samachiam vrbum CARAILUCIS regiam oppugnabat.”

De hoc bello Tschokii cum CARAJULUK i. e. nigra hirudine, principe fundatore dynastiae veruecis albi (Akkojunlei) quos Chalondylas Λευκαργιας nominat, fontes mihi noti historiae orientalis silent, nec ullum vestigium TZOKIUM Tebrisi resedisse inuenio.

„TABREZE autem fertur vrbs esse magna et opibus florentissima, etiam omnes Asiae vrbes extra Samarchandam opum accessu et reliqua felicitate antecedere noscitur. Vermiculos alit regio e quibus sericum producitur pulcerrimum, quod longe praestat ei serico, quod Samachia suppeditat. Fert quoque CRIMISIN (Karmesin) isto nomine vermiculum, qui purpureum colorem admiratione dignum tribuit vestibus ex filis e serico contextis. Abundat autem regio Persis, quos AZTAMIOS vocant (Adschem پشم). Quotquot enim Atzamiorum Persarum lingua vtuntur, omnes hi Persae sunt, et Persarum linguam in vsu habent. Incolunt TABREZEM, CAGRINUM et NIGETIAM vrbes opulentas in Assyriorum et Medorum regionibus sitas; Samachia autem, cuius situs est versus Armeniam, vrbs perhibetur opulenta, et populosa.”

Taβρεζη i. e. TEBRIS, et Σαμαχία i. e. SCHAMACHIE notissimae vrbes, sed quid Καγινός, et Νιγεζην velit, ignoro, nisi forte sub his duo Cappadociae vrbes KANGRI nimirum et NIKDE intelligi debeat.

„Ex filia Tzokii, quae matrimonio iuncta fuit CHARAISUPHI, natus est TZANISAS, Tzokii nepos et CARAISUPHI filius.”

De matrimonio filiae Tschokii cum Καρασούφεω i. e. nigro Josepho (Kara Jussuf) secundo dynastiae nigri veruecis (Kara Kojunlii) principe, in historiis orientalibus mihi notis nulla quidem mentio occurrit; sed filius et secundus NIGRI JOSEPHI successor

fuit Dschihanschach i. e. Rex mundi, quem Chalcondylas Τσαντάς enunciat.

„Is Pagdaliām, Babylonem rexit, et Assyriorum regionē
 „iure belli possidens, Tabrezeū suo imperio addidit. Arma item.
 „Paimburis filio intulit; profectus contra Ertinganini vrhem,
 „eam oppugnatione cepit; Armeniam, quae iacet intra Euphratēm,
 „in ditionem suam rededit.”

Mirza Dschihanschach a Sultano Scharoch dominio prouinciae Azerbejdjanae inuestitus mox Iraccae persicae dominus euasit, vt Dschēnabi et Nochbetol-tewarich docent. Arma dein contra Mirsa Ibrahimī, filium τοῦ Alaeddewlet filii Baisankoris adeoque nepotem, non, vt Chalcondylas vult, filium Baisankoris mouit, et Αγτζιγανη i. e. vrhem Ersendschan occupauit.

„Hinc Tzokii filius proiectus a Semarchanda, Babylonem op-
 „, pugnabat. Ipsum adeuntem praelio vicit. Exinde Babylonem
 „, capiens et contra Tabrezem exercitum ducens, cum illo bellum
 „, gessit.”

Tschokio fratri Baisankoris filius quidem fuit nomine Abuberr, sed contra illum Dschihanschah bellum nullum gessit. Chalcondylas illum cum Abusaido confundit, qui ex vrbe Balch contra Dschihanschah exercitum duxit, vti Dschēnabi et Nochbetol-tewarich fusius narrant.

„Chasanes quidem longus Scenderis, qui Artzinganim tenebat,
 „, nepos existens, et ex familia Carailucis regnum Armeniae
 „, adeptus est, adiutus ab Carailucis filiis, qui vna cum illo eo
 „, prolecti erant. Hi cum a rege Tzanisa, Caraisuphis filio, Sa-
 „, machiae grauissima obsidione premerentur, resque eorum admo-
 „, dum lubricae essent, precibus aggressi sunt Paimburem, vt irruer-

„ret in Mediae regionem. Qui facile quod petiuere impetrarunt,
„nam in Medium irrupit.”

Xαστανης ὁ μακρος, turcice *Usun Hassân* i. e. longus Hassan, ab Hallero sub nomine corrupto *Usong* in prototypum propositus, celeberrimus dynastiae *veruecis albi* tertius princeps, et *Σκερδεγ* i. e. Alexander, filius nigri Josephi, dynastiae nigri *veruecis* tertius item princeps fuit. Princeps, quem Chalcondylas hic ironice *PAIMEUREM* vocat, *Ebu Said* fuit, ut historici orientales docent.

„Qui rumor vt perlatus est ad Tzansam (*Dschihanschah*)
„obsidionem vrbe abscedens soluit iterque flexit aduersus *PAIM-*
„*PUREM* (*Ebu Said*), partim quidem regionem eius in ditionem
„accipiens, partim vero vastans. *MENDESIAS*, *AIDINES*, *SARCIANES*
„et *ALLONTES* Bajazetis regionem occuparunt iussu *TEMIRIS*, et in
„suam singuli redibant regionem. Chasanes, cernens sibi potentiam
„esse maximam, Armenian et *TZIAPNIDAS* subegit et pacem inter-
„cedente cum Chołchidis rege fecit.”

Occurrunt hic Heptarcharum illorum nomina qui, a Bajezite e regnis paternis electi, fauore protectionis Timuri iterum in ea rediueru nimirum: *MENTESCHE* (*Μενδεσιας*) *AIDIN* (*Αιδινης*) *SA-*
RUCHAN (*Σαρχανης*) et *Αλουσουριος* (qui hic in *Αλορτος* cor-
ruptus) i. e. dominus prouinciae *KERMAN* seu fori Caramano-
rum s).

Eodem modo vox *Kianvidas* aut *Tzianvidas* corrupta est pro regione *Tzavix* in ora maris nigri orientali sita, et ad regnum Colchidis pertinente, quae et hodie audit *Dschani*, apud alias *Byzantinos* sub nomine *των Τζαρων* occurrit.


s) Vide Rennel illustrations of the history of the expedition of Cyrus. p. 26. 28. 30. 31.

Vt Chalcondylae veritas historica in genealogia successorum Timuri uno conspectu facilius comprehendendi possit, ac quum nullibi adhuc completa familiae Timuri arbor genealogica existat eamdem hic ex historiis SCHEREFEDDINI, DSCHENABI et NOCHMETOL.-TEWARICH concinnatam oculis lectorum subiicitimus; abunde his exemplis probatum rati, quantum historici Orientales ad corrigendos et emendandos Byzantinos lumen affundant.


ARBOS GENEALOGICA

Quatuor filiorum Timuri, Dschidhangir, Miranschan,
Schachroch, et Schetch Omar.

I. Dschidhangir + 1373




II. MIRANSCHAH (1)




- t) Schereffedin (V. Histoire de Timurbec, IV. in fine p. 301.) solummodo sex filios Miranschahi recenset; NOCHBETOL - TEWARICH stirpem reliquam familiae suppeditat.
- u) Hunc Chalil nepotem Timuri Petit de la Croix l. XV. c. XX. t. III. p. 102. perperam filium Timuri nominat: Aussi avoit il en la personne de Chalil Sultam un fils, digne de lui.

III. SCHAHROCH.



IV. OMAR SCHEICH.



V. FILIA TIMURI

Akabegi, nupsit Mohammedi filio Emir Mussa
Mirsa Sultan Hussein.

v) Dschenabi hunc Ahmed nominat.

w) Ille tertius Baberi filius in Dschenabi solo occurrit.

VI FILIA BACHITBEGÜM

nupsit principi *Mireke Katlan.*

Filia Miranschahi BEGESSI SULTAN (Histoire de Timur. III. Ch. 28 t. II. p. 154. 409 et 423.) nupsit MURSA ISKENDER; unica eius nomen in Schereffedino occurrit: qui præterea sine nomine tres filias OMAR-SCHEICHI, tres alias MIRANSCHAHI, tres PIR-MOHAMMED DSCHIANGIRI, tres MOHAMMED SULTANI, unam SCHACHROCHI, unam ABUBEKRI, unam M. CHALILI memorat.
